



NAVOIY VILOYATI NUROTA TUMANI HOKIMI F A R M O Y I S H I

210700, Nurota t., Islom Karimov sh. k 48, tel: (79)523-13-42, nurota@nv.uz

2022 - yil 26 - mart

37-5-74-F/22

Nurota tumani hokimligi

Ўзбекистон Республикаси Президенти Ш.М.Мирзиёев раислигида ўтказилган мамлакатимизда ҳуқуқбузарликлар профилактикаси ва жиноятчиликка қарши курашиш, бу борада мавжуд муаммолар ва уларни ҳал этиш масалаларига бағишланган видеоселектор йиғилишларида белгилаб берилган вазифалар ва вилоят ҳокимининг 2022 йил 5 мартдаги 27-5-0-F/22-сонли фармойиши ижросини, туман ҳудудидаги таълим муассасалари, маҳалла ҳамда корхона ва ташкилотларда сиёсий-ижтимоий, криминоген вазиятни барқарорлаштириш, жамоат тартибини сақлаш, фуқаролар хавфсизлигини таъминлаш, ҳуқуқбузарликларнинг барвақт олдини олиш ва унга қарши курашишда ҳамкорлик самарадорлигини таъминлаш мақсадида, “Маҳаллий давлат ҳокимияти тўғрисида”ги Ўзбекистон Республикаси Қонунининг 6, 25-моддаларига асосан,

1. Туман ички ишлар бўлими, туман ҳокимлиги билан бирга, ҳуқуқни муҳофаза қилувчи органлар ҳамда жамоатчилик вакиллари билан ҳамкорликда таълим муассасалари, маҳалла фуқаролар йиғинлари ва корхона, ташкилот, муассасаларда сиёсий-ижтимоий, криминоген вазиятни барқарорлаштириш, жамоат тартибини сақлаш, фуқаролар хавфсизлигини таъминлаш, ҳуқуқбузарликларнинг барвақт олдини олиш бўйича уч босқичда профилактик тарғибот-ташвиқот тадбирларини (кейинги ўринларда-тадбирлар деб юритилади) ташкиллаштириш чораларини кўрсин.

2. Тадбирларни қуйидаги уч босқичда:

биринчи босқич, жорий йилнинг 3 март кунидан бошлаб, туман ҳудудидаги умумтаълим мактаблари, касб-хунар мактабларида,

иккинчи босқич, жорий йилнинг 25 март кунидан бошлаб, туман ҳудудидаги барча маҳалла фуқаролар йиғинларида;

учинчи босқич, жорий йилнинг 25 апрель кунидан бошлаб, туман ҳудудидаги корхона, ташкилот ва муассасаларда ўтказилишига розилик берилсин.

3. Таълим муассасалари, маҳалла фуқаролар йиғинлари ҳамда корхона, ташкилот ва муассасаларда уч босқичли профилактик тарғибот-ташвиқот ишлари ўтказилишини таъминлаш бўйича туман ишчи гуруҳи (кейинги ўринларда - туман ишчи гуруҳи деб юритилади) таркиби иловага мувофиқ тасдиқлансин.

4. Туман ишчи гуруҳига туман сектор раҳбарлари билан биргаликда:

туман ҳудудида ўтказилаётган тадбирларга қонунчилик ҳужжатларида белгиланган тартибда

худудий давлат ва хўжалик бошқарув органлари, нодавлат нотижорат ташкилотлари вакилларининг тўлиқ иштирокини таъминлаган ҳолда уларнинг вазифаларини белгилаб бериш;

жойларда ўтказиладиган учрашувларда спиртли ичимликлар ва гиёвандлик воситалари истеъмолининг зарарли оқибатлари, хотин-қизлар, вояга етмаганлар ва ёшлар ўртасидаги жиноятчиликни олдини олиш, одам савдоси, диний экстремизм, ўғирлик, фирибгарлик, гиёҳвандлик, фоҳишахона сақлаш, қотиллик, тан жароҳати етказиш, оила ва турмуш доирасидаги ҳуқуқбузарликлар, йўл-транспорт ҳодисалари ва бошқа турдаги жиноятлар ва ҳуқуқбузарликларнинг содир этилишини олдини олишда жамоатчилик вакиллари билан ҳамкорликни кучайтириш, фуқароларнинг тинчлиги ва осойишталигини таъминлаш, уларнинг ҳуқуқий саводхонлигини ошириш борасида бажарилиши лозим бўлган вазифалар тўғрисида тарғибот ва ташвиқот ишларини олиб бориш;

тадбирларни ўтказиш жараёнида ўқув муассасаларида, таълим тизимида олиб борилаётган ислохотлар, бу борада ёшларга яратилаётган шароитлар тўғрисида кенг тушунчалар бериш;

ноқонуний ташқи миграциянинг салбий оқибатлари, ўтган даврларда чет давлатларга кетиш билан боғлиқ содир этилган бахтсиз ҳодисалар, ноҳуш ҳолатлар, уларнинг келиб чиқиши сабабларини тушунтириш;

ҳар бир маҳалла ва овулларда аҳоли билан сайёр учрашувлар ўтказиб, ижтимоий ҳимояга муҳтож шахсларга қонунчилик ҳужжатларида белгиланган тартибда ёрдам кўрсатиш, темир дафтар, ёшлар ва аёллар дафтарига киритилган шахслар бандлигини таъминлашда амалий ёрдам кўрсатиш вазифаси топширилганлиги инобатга олинсин.

5. Туман “Нурнома” газетаси (Л.Бозоров), тадбирлар жараёнида амалга оширилган ишларнинг аҳамиятини оммавий ахборот воситалари орқали ёритиб бориш тавсия этилсин.

6. Туман ички ишлар бўлими (У.Шукуров), тадбирлар жараёнида амалга оширилган ишларнинг натижалари ҳақида ҳар 15 кунда вилоят ички ишлар бошқармасига ахборот бериб борилишини таъминласин.

7. Мазкур фармойишнинг бажарилишини назорат қилишни ўз зиммамда қолдираман.

Туман ҳокими



Ismatovich F. A.

Nurota tuman hokimining
2022 yil 26 martdagi
37-5-74-F/22-son farmoyishiga
1-ilova

Таълим муассасалари, маҳалла фуқаролар йиғинлари ҳамда корхона, ташкилот ва муассасаларда уч босқичда профилактик тарғибот-ташвиқот ишлари ўтказилишини таъминлаш бўйича туман ишчи гуруҳи

ТАРКИБИ

Т.Р	Ф.И.Ш.	Лавозими
1.	Ш.Вафоев	Туман ҳокими ўринбосари, ишчи гуруҳ раҳбари
2.	Ф.Имомов	Туман Ички ишлар бўлими бошлигининг ўринбосари
Аъзолари		
3.	С.Кулмонов	Туман давлат солиқинспекцияси бошлиғи
4.	У.Сувонов	Туман адлия бўлими бошлиғи
5.	С.Турдиев	Туман прокурори ёрдамчиси
6.	Ш.Ҳамидова	Ёшлар сиёсати, хотин-қизлар ва гендер тенглик масалалари бўйича доимий комиссияси раиси
7.	Ў.Каримов	Туман маънавият ва маърифат бўлинмаси раҳбари
8.	Б.Бобоназаров	Туман халқ таълими бўлими мудири
9.	Ю.Бабаяров	2-сон Касб-хунар мактаби директори
10.	У.Усмонов	Ўзбекистон Республикаси Ёшлар ишлари агентлиги Нурота туман бўлими бошлиғи
11.	Ш.Исматуллаев	“Худудгаз Навоий” масъулияти чекланган жамияти “Нуротатумангаз” филиали бош муҳандиси
12.	У.Фармонов	Нурота туман электр тармоқлари бошлиғи в.в.б
13.	Лавозимига кўра	Корхона, ташкилот ва муассасалар раҳбарлари

Изоҳ: Туман ишчи гуруҳи аъзолари хизмат жойларини ўзгартирган ёки лавозимдан озод этилган тақдирда уларнинг ўрнига лавозимига тайинланган ходим ишчи гуруҳ аъзоси ҳисобланади.